

Kàuhōe ê Kàmtoċ

3 Ū chit kù siókgí kóng, "Lâng nā himbō kàmtoċ ê chithūn, i sī ài chit hūn bíhó ê kangchok", che sī chinsit ê òe. **2** Sǒi, chò kàmtoċ ê engkai tiòh bô thang chícheċ, chíū chitê khanchhiú, ū chúncċat, ē koánsok kakī, hêngûi toanchiàⁿ, hó khoánthāi chhutgōa lāng, koh gâu kàsī; **3** i bē hōⁿ chiú, bē hiongpō, hoántng sèngchēng unjiú, bē siocheⁿ, mā bē thamchâi; **4** i koh tiòh gâu koánlí kakī ê katēng, jíchhiáⁿ tiòh iōng tǎttit chuntiōng ê hongsek áne chò, thang hō kiáⁿ jī sūnhók. **5** Inūi lāng nā bē hiáu koánlí kakī ê katēng, i ná ēhiáu koánkò SiōngChú ê kàuhōe lè? **6** M̄ thang hō chhòsìn ê lāng chò kàuhōe ê kàmtoċ, inūi khióngkiaⁿ i ē chūko, soah hāmjiċ kah Môkúi số siū kángkhoán ê símphòⁿ. **7** Kàuhōe ê kàmtoċ mā tiòh tī kàuhōe gōa ū hó miásiaⁿ, chiah biántit siū lāng húipòng, soah hāmjiċ Môkúi ê khoanthò.

Chò Chipsū ê Chuċeh

8 Chò chipsū ê mā kángkhoán tiòh hêngûi toanchiàⁿ, bô kóng siangbīnōe, bô hōⁿ chiú, bô tham putgī ê chíⁿchâi; **9** koh tiòh iōng chhengpéh ê liōngsim, lái chísiú sǐngióng ê òpì. **10** Jíchhiáⁿ tiòh tāseng hō chiahê lāng chiapsiū khógiām, nā bô thang chícheċ, chiah thang hō in chò chipsū. **11** Chò chipsūniú ê mā kángkhoán tiòh toanchong, bô kóng lāng ê pháíⁿ òe, ū chúncċat, koh hoānsū tiongsit. **12** Chipsū tiòh chíū chitê khanchhiú, gâu koánkà kiáⁿ jī, koh gâu koánlí kakī ê katēng. **13** Inūi nā gâu chīn chipsū ê chithūn, ē hō kakī tit tiòh hó miásiaⁿ, mā ē tàng hótáⁿ thoánkáng Kitok lésu ê tōlí.

教會 ê 監督

3 有一句俗語講：「人若欣慕監督 ê 職分，伊是意愛一份美好 ê 工作」，這是真實 ê 話。**2** 所以，做監督 ê 應該 tiòh 無 thang 指責，只有一個牽手，有擲節，ē 管束 kakī，行為端正，好款待出外人，koh gâu 教示；**3** 伊 bē 好酒，bē 兇暴，反 tng 性情溫柔，bē 相爭，mā bē 貪財；**4** 伊 koh tiòh gâu 管理 kakī ê 家庭，而且 tiòh 用值得尊重 ê 方式 áne 做，thang hō kiáⁿ 兒順服。**5** 因為人若 bē 曉管理 kakī ê 家庭，伊 ná ē 曉管顧上主 ê 教會 lè? **6** M̄ thang hō 初信 ê 人做教會 ê 監督，因為恐驚伊 ē 自高，soah 陷入 kah 魔鬼所受全款 ê 審判。**7** 教會 ê 監督 mā tiòh tī 教會外有好名聲，chiah 免得受人誹謗，soah 陷入魔鬼 ê 圈套。

做執事 ê 資格

8 做執事 ê mā 全款 tiòh 行為端正，無講雙面話，無好酒，無貪不義 ê 錢財；**9** koh tiòh 用清白 ê 良心，來持守信仰 ê 奧秘。**10** 而且 tiòh tāi 先 hō chiahê 人接受考驗，若無 thang 指責，chiah thang hō in 做執事。**11** 做執事娘 ê mā 全款 tiòh 端莊，無講人 ê pháíⁿ 話，有擲節，koh 凡事忠實。**12** 執事 tiòh 只有一個牽手，gâu 管教 kiáⁿ 兒，koh gâu 管理 kakī ê 家庭。**13** 因為若 gâu 盡執事 ê 職分，ē hō kakī 得 tiòh 好名聲，mā ē tàng 好膽傳講基督耶穌 ê 道理。

Úitāi ê òpì

14 Suijiân góa òngbāng púnsin ē tàng liâmpiⁿ khì kàu lí hia, m̄ koh góa iáusī siá chit tiuⁿ phoe hō lí.

15 Tiòhsng góa iânchhiân bān khì, chit tiuⁿ phoe mā ē tàng hō lí chai, tī SiōngChú ê chhù nih engkai tiòh ánhóaⁿ sengoáh. Chitê chhù tòh sī éngseng SiōngChú ê kauhōe, mā sī chinlí ê thiāuchiòh kah tèki. 16 Lán chènglâng lóng kongkhai soanjīn, lán sèngióng ê òpì sī hôténg ê úitāi, iā tòh sī:

Iésu í jiòksin hiánhiân,

thongkòe Sènglêng lâi chèngsít

hō thiⁿsài khòⁿkiⁿ,

tī gōapang lâng tiongkan siū soaniông,

hō sèkan lâng tùi I ũ s̄nsim,

koh tī êngkng tiong siū chiapkhì thiⁿténg.

偉大 ê 奧祕

14 雖然我 òng 望本身 ē tàng liâmpiⁿ 去到你 hia, m̄ koh 我 iáu 是寫 chit 張 phoe hō 你。 15 Tiòh 算我延 chhiân 慢去, chit 張 phoe mā ē tàng hō 你知, tī 上主 ê 厝裡應該 tiòh án 怎生活。 Chitê 厝 tòh 是永生上主 ê 教會, mā 是真理 ê 柱石 kah 地基。 16 咱眾人 lóng 公開宣認, 咱信仰 ê 奧祕是何等 ê 偉大, 也 tòh 是:

耶穌以肉身顯現,

通過聖靈來證實,

hō 天使看見,

tī 外邦人中間受宣揚,

hō 世間人對祂有信心,

koh tī 榮光中受接去天頂。